

Caput (♀) basi pronoti vix $\frac{1}{4}$ angustius, ab antico visum latitudini verticis oculique unici aequae longum, a latere visum altitudini basali longitudine aequali, clypeo usque a basi fortiter prominente, verticali et parallelo, basi a fronte impressione discreta in linea media capitis posita, genis sat angustis, gula haud distinguenda; vertice oculo duplo latiore. Oculi subtiliter granulati, orbita interiore apicem versus late sinuati. Rostrum sat robustum, articulo primo nonnihil dilatato, caput paullo superante. Antennae (♀) ad apicem oculorum interne insertae, articulo primo capite ab antico viso magis quam duplo brevior, apicem clypei paullo superante, secundo primo circiter quadruplo longiore et margine basali pronoti aequae longo, tertio secundo paullo minus quam $\frac{1}{3}$ brevior, quarto tertio fere duplo brevior, Pronotum (♀) fortiter transversum, capite a supero viso brevius, basi longitudine magis quam duplo latiore, lateribus rectis, apice longitudine circiter $\frac{2}{3}$ latiore, disco horizontali, callis valde transversis, bene discretis, medio confluentibus, postice linea impressa medio obtuse sinuata determinatis. Hemelytra abdomen sat longe superantia, membrana hyalina, venis pallidissime flaventibus. Xyphus prosterni lateribus acute marginatus. Mesosternum apice obtuse rotundatum. Coxae anticae medium mesosterni paullulum superantes. Femora postica parum incrassata, subelongata. Tibiae spinulis tenuibus crassitie tibiae brevioribus, posticae tarsi vix triplo longiores. Ungvuli leviter curvati, aroliis subparallelis. Terebra feminae medium ventris vix attingens.

11. *Alloeonycha* n. gen.

Corpus oblongo-ovatum, opaculum, hemielytris nitidulis; capite basi pronoti duplo angustiore, sat fortiter nutante, ab antico viso infra oculos sat longe producto, latitudine cum oculis tamen distincte brevior, a latere viso altitudinem basalem latitudine clypei superante, clypeo basi cum fronte confluyente, prominente, a latere viso apicem versus latiore, sensim declivi, ipsa basi in linea intermedia oculorum sat longe supra lineam inter bases antennarum ducendam posita, angulo faciali acuto, gula sat brevi, leviter obliqua; oculis in lateribus